



## Universitätsbibliothek Paderborn

**R. P. F. Ioannis Nider Ordinis Prædicatorum Theologi De  
Reformatione Religiosorvm Libri Tres**

**Nider, Johannes**

**Antverpiæ, 1611**

XVII. Declarat quinque alias radices: quæ sunt, temporalium priuata appropriatio, incauta cum extraneis conuersatio, studij religiosi omiſio, ineptorum ad officia promotio, & minimorum debitorum ...

[urn:nbn:de:hbz:466:1-45728](#)

tione non permittit emendationem, restat  
ut ferri recipiat incisionem, id est, corre-  
ctionem disciplinæ.

## C A P V T XVII.

Declarat quinque alias radices, quæ sunt  
temporalium priuata appropriatio, in-  
cauta cum extraneis conuersatio, studij  
Religiosi emissio, ineptorum ad officia  
promotio, & minimorum debitorum in-  
consideratio.

**S**EXTA radix est, priuata temporalium *vi. Radix.*  
appropriatio contra Superioris rationa-  
bilem licentiam, contra communitatem re-  
rum, & contra votum paupertatis. De qui-  
bus Cassiodorus dicit: Prouidè decreuit an- *Cassiod.l.9*  
tiquitas vniuersitatem edictis generalibus *variarum*  
admoneri, per quæ & debitum animæ cor-  
rigitur, & excedentis verecundia non graua-  
tur. Cuncti enim sibi aestimant dici, vbi nul-  
lum constat exponi, & similis fit innocentia,  
quem contigerit sub communione purgari.  
Huius autem communitatis læsionem per  
bona applicata iure proprietario, omnes Re-  
gulæ sanctorum Patrum summè detestati-  
funt. Patet hoc in prærecitatis de Ananię &  
Saphirę & Iudę pœnis crudelibus. Patet in  
primis Ægypti, & ei propinquis Patribus,  
qui

qui talem volentem habere propria, simila-  
bant ab inferni canibus nudum dilacerari

\*delecta- per \*delationem carnium. Patet in B. Augu-  
tionem stini Regula, vbi dicit: Si quis rem sibi colla-  
August. in tam celauerit, furti iudicio condemnetur.  
Reg. to. 1.

B. Greg. Patet in fratre Iusto, non re sed nomine,  
I. 4. Dial. Ordinis S. Benedicti, qui ob occultatio-  
cap. 55. nem trium aureorum sine praesentia fratrum  
est mortuus, & in sterquilinio, iubente bea-  
to Gregorio, est sepultus; & quamuis in  
morte poenituerit, tamen omni ferè suf-  
fragiorum praesidio usque ad diem trigesi-  
num est spoliatus.

VII. Radix Septima radix est, incauta cum exteris  
ex qua de- conuersatio: quia haec nisi moderate fiat,  
formata etiam cum circumspectione maxima, citè  
Religio. deuotionis exhaust vigorem. Vix enim per-

Conuersa fecti sine peccato coniuere possunt natio-  
tio malorū & peruersæ, minus autem hoc va-  
pernicioſa. lent imperfecti. Haec ille S. Propheta sensit,

Iſa. 6. 5. cum ait: *Vir pollitus labiis ego sum, in me-  
dio populi polluta labia habentes ego habito:*  
Iſaiæ 6. Vbi Glossa: Hoc dicit Iſaias pro  
societate populi, cum qua cogebatur loqui.  
Noxium est cum peccatoribus viuere: quia,  
qui tangit picem, inquinabitur ab ea. Hu-  
ius radicis vitatione, duo videntur Ordini-  
nes sine lapsu ab initio stetisse, Carthusien-  
sium, & Cælestinorum.

Huius

Huius cohabitationis infectio B. Gregorius coëgit à felicitate sæculi Ordinem intrare monasticum , & deinde in Summum Pontificem electum vitæ suæ statum depolare, ut patet in Dialogorum procœmio , & in Prologo super Iob , vbi dicit : Postquam sum cælesti desiderio afflatus, sæcularem habitum contemnere melius putau. Cumque ad hoc me cogeret animus præsenti mundo quatenus specie tenus deseruire, coeperunt multa contra me ex eiusdem mundi cura succrescere ; ut in eo non iam specie , sed quod grauius est , mente retinerer. Quæ tandem cuncta sollicitè fugiens, portum monasterij petij. Contra prefatam radicem, B. Antonij sententia fuit & habetur in vitis Patrum ; Quocumque , inquit, <sup>In vitis pat. part. r.</sup> vadis, Deum semper habe præ manibus; & in his quæ agis , adhibe testificationem sacrarum Scripturarum ; & quocumque loco sceleris, non citò mouearis. Et iterum: Qui <sup>solitarius</sup> scens in solitudine à tribus bellis eripitur, <sup>à tribus bellis eripitur.</sup> scilicet auditus, locutionis, & visus, & vnam tantummodo habet pugnam, scilicet cordis. Ait iterum idem : Sicut pisces si tardauerint in sicco, moriuntur; ita monachi extra cellam tardantes , à quietis proposito resoluuntur. Sic Helinandus sanctam Abbanam refert Ex Heli- tissam Syncleticem dixisse ait : Sicut gallina <sup>hæc Vin- cent. li. 17. dese- hist. cap. 9.</sup>

deserens nidum suum , facit oua sua sine pullis exire ; sic monachus vel virgo de loco ad locum transiens , frigescit , & mortificatur.

**ix. Radix** Octaua radix est, studij religiosi omissione iam Mendicantium Ordines, eos comparando ad præterita, multum tendere facit ad occasum. Percepi idipsum ab Ordine possessionatorum à viris optimæ conscientiæ, se non diu reformatos esse mansuros, nisi studium apud se resuscitarent. Habet igitur locum hodie in utrisque illud Osee 4.

Osee 4. 6. comminatum populo Israël ruituro : *Conticuit populus meus, eò quod non habuerit scientiam: quia tu scientiam repulisti, repellam te, ne sacerdotio fungaris mihi: & oblitus es legis Dei tui, obliuiscar filiorum tuorum & ego.* Hinc Hieronymus Rustico monacho

Hieron. ad Rusticum monach. tom. I. in epistola ad eumdem exarata: Numquam de manibus & oculis tuis recedat liber. Et idem : Ama scientiam Scripturarum , & via carnis non amabis. Litteratorum enim

**Ignorantia mala.** viorum parentia in monasteriis, litteratis sæcularibus ingressum vetat, Ordinis Prælatos reddit contemptibiles , vitiosos nescit corrigeret; nec tentatos iuuenes credere finit suis rectoribus. Quo contrà docuisse vi-

B. Hieron. sup. Psal. detur B. Hieronymus super Psalmos dicens: Solent viri, solent & monachi, solent & mu-

lier.

hierculæ, hoc inter se habere certamen, ut plus edificant Scripturas, & in eo se putant esse meliores. Et ad Demetriadem virginé: Hieron. ad  
Demetr.  
tom. 9.  
Vtere, inquit, lectione diuina vice speculi, fœda corrigendo, pulchra conseruando, & pulchriora faciendo. Scriptura enim speculum est, fœda ostendens, & corrigens, & docens. Sed utinam hodie non haberet locum in quibusdam monasteriis illud Isaiae 5. maledictum: *Vae, inquit, qui consurgitis manè* Isa. 5. 11.  
*ad ebrietatem sectandam, & potandum usque ad vesperam, ut vino astuetis. Cithara & lyra, & tympanum, & tibia, & vinum in coniuiciis vestris: & opus Domini non respicitis, nec opera manuum eius consideratis.*  
Et statim causam huiusmodi excessuū subdit: *Propterea captiuus ductus est populus meus, quia non habebat scientiam, & nobiles eius interierunt fame,* (Glossa, verbi Dei:) *& multitudo eius siti exaruit,* (Glossa, realis doctrinæ.) *Propterea dilatauit infernus animam suam, & aperuit os suum absq; ullo termino. Et descendit fortis eius, & sublimes eius, gloriosiq; eius ad eum.*

Nona radix est, ineptorum ad officia promoto: quæ fit aliquando ad officia capitum, de quo priùs dictum est; aliquando ad officia membrorum & particularia; aliquando etiam ad gradus scientificos, ubi litteratura

ix. Radix.

non



non suppetit. Ex quibus sequuntur communi-  
nitati multa dispendia : quia si illud fit in

*Quid mali officiis eorum temporalibus, tunc tales aut  
ex Superio remalo superbiunt, aut iniuriantur proximis, aut*

pereunt conuentus bona temporalia ex ta-  
lium incuria. Tales officiarios, viros pessi-  
mos, ponere super filios Israël olim studuit  
rex Antiochus ; de quo 2. Machab. 5. dici-

2. Mach. 5. v. 22. *tur: Reliquit autem & præpositos ad affi-*

*gendam gentem : Ierosolymis quidem Phi-  
lippum genere Phrygem, moribus crudelio-  
rem eo ipso, à quo constitutus est: in Gariñim  
autem Andronicum & Menelaum, qui gra-*

*uius quam ceteri imminebant ciuibus. Si au-*

*Quid indo-tem fit ineptorum promotio ad gradus im-  
petorum pro-meritos, sequuntur grauiora plerumque Or-  
motio.*

dini & loco incommoda : quia sic Ordo vi-  
lipeditur, qui admittit talia, fit iniuria scien-  
tiæ & gradui. Volunt tales regere ceteros, &  
prælaturas statim ambiunt. De quibus dicit

Amb.lib. 2. B. Ambrosius : Rescindenda insipienti po-  
ep. 7. non-testas, non adiicienda libertas. Hanc etiam  
nihil à fin.

ob causam nonnulli de quodam Mendicantium Ordine, prout tempore nostro ac-  
cidit, nullum admittere voluerunt ad supre-  
num conuolare Theologiæ gradum in suis  
conuentibus : studium quidem non prohibe-  
entes, sed verentes gradus abusum. an be-  
nè vel male, aliis iudicandum committo.

Deci-

Decima radix est, minimorum debito- x. Radix.  
 rum inconsideratio & negligentia. vnde Ec-  
 cles. 19. *Qui spernit modica, paulatim deci-* Eccli. 19. 1  
*dit.* Hinc Philosophus 5. Politicor. dicit:  
 Oportet quod paruum est, maximè obser- Arist. lib. 5.  
 uari, latet enim subintrans præuaricatio; Polit. c. 8.  
 sicut substantias, paruae expensæ consumunt  
 sæpè factæ. Et Tullius lib. 1. de Officiis: Quæ  
 parua videntur esse delicta, ab his est dili-  
 gentius declinandum. Tales fuerunt Patres  
 monachi primitivi; de quibus dicit Cassia-  
 nus, de Institutis monachorum: In septima- Cassian. 1. 4  
 na cuiusdam fratri, cum præteriens Oeco- de Instit.  
 nomus tria lenticulæ grana vidisset iacere monach.  
 in terra, quæ hebdomadario festinâte, dum  
 ea præparat coctioni, inter manus, cum aqua  
 qua diluebantur, elapsa sunt; confessim su-  
 per hoc Abbatem consuluit, à quo velut in-  
 teruersor neglectorque sacri peculij iudica-  
 tus, ab oratione suspensus est. Cuius negli-  
 gentiæ reatus non aliter ei remissus est, nisi  
 eum publica pœnitentia diluisset. Non so-  
 lùm enim seipso esse seruos, sed etiam om-  
 nia quæ sua sunt, credunt Domino conse-  
 crata. Propter quod si quid fuerit in mona-  
 stero semel illatum, vt sacrosanctum decre-  
 uerunt cum omni reverentia debere tracta-  
 ri. Sunt enim multi, qui non curant trans-  
 gredi statuta parua, & peccata venialia inci-  
 dere:

Q 2

*Contenen-  
tes parua  
& venia-  
lia, errant.  
Aug.lib.de  
x.chordis,  
cap. 11. &  
tract. 12. in  
Ioan. circa  
fin. tom. 9.*

dere : cùm tamen per talia perueniatur ad magna. In cuius còtrarium dicit Aug. lib. de decem chordis: Nolite còtemnere venialia, quia minima sunt : sed timete quia plura. Plerumque enim bestiæ minutæ multæ nocent. Numquid minutissima sunt grana arenæ ? sed si arena amplius in naui mittatur, mergit illam, vt pereat. Quàm minutæ sunt guttæ pluuiæ : nónne flumina implet, & domos deiiciunt ? Timenda est ergo ruina multitudinis. Aduertendum præterea, quòd omnis mali origo semper fuit negligentia. Si enim primus Angelus circumstantias debitas, & primus homo similiter, inspexissent ; talia nequaquam in peccata corruissent.

*Boëth. c. 6. Pulchre  
ditum.  
\*cōstantia:* Propter quod Boëth. lib. De disciplina scholiarium dicit: Sicut in unoquoque opere mater est \* diligentia, ita vniuersæ doctrinæ & disciplinæ nouerca est negligentia.

### C A P V T X V I I I .

*Declarat tres alias radices : quæ sunt, locorum nimia multiplicatio, feminarum inculta adhæsio, & bonorum virorum perditio.*

*xii. Radix.* **V**NDECIMA radix est, locorum nimia multiplicatio, aut in numero monasteriorum, aut in uno monasterio structurarum varie-